

遺山詩集

卷一
四冊

遺山先生詩集卷第九

五言律詩

懷益之兄

世故伊川歎鄉情越客音天宜他日定陸已向來
沈冉冉愁看老源源事益侵誰言易排遣自分不
勝任鞭影驚疲馬鐘聲急莫禽跼中無曠迹喧外
有幽尋夢失名家筆書存遺子金山田和石瘦茅
屋過雲深春雨蔬成圃秋霜柿滿林樹陰涼拂席
花氣澹盈襟宿鷺窺晨汲孤猿伴暝吟溪僧時問

字野客或知琴抱璞休奇售臨觴得緩斟阿兄團
聚日曾話百年心

汴禪師自斲普照石爲研以詩見餉爲和二首

寺廢瓦不毀研奇功亦多已知良斲少更奈苦心
何挺挺剛無敵津津潤可呵羽陽陵谷變冰井字
書訛贈比黃金璞辭慙紫石歌遙知玉音在洗耳

俟研磨

長吉有紫
石研歌

點化鉛仍見堅凝鐵易穿何年埋朽壤此日睹青
天古色秋煙重哀音夜雨懸有刀堪切玉是鏡不

名塲佛廕淪空劫書林結後緣禪河一勺水更擬
就師傳

惡雨

惡雨惡復惡龍公何遽然霆轟冰塔碎電掣玉繩
連高岸皆深谷層霄一漏泉黑來疑擁海白散忽
成煙市響千門合潮頭萬弩穿天瓢休盡建上枯聲
旱有他年

癸巳除夜

鼎定周元重薪安漢已然不隨南渡馬盧泛北歸

船身並枯蠋化心爭脫免先塵埃嗟落薄光景強
畱連往事青燈裏浮生白髮前更殘鐘未動猶屬
出京年

病中

病因食猪動氣而作癸卯
四月二十一日晨起書

戰勝頗自恃甯知從外腴文章工作祟時運迫摧
枯止酒嗟何及燒猪本不圖膏粱無急變山澤有
眞臞詩信藤條戲方遭鐵彈誣鹽去聲紅忘後顧鰲

黑見前驅眩入投牀仆晨淹伏枕呼萬錢誰嘔泄
一嚮爾乘除靜伏心仍悸深調息亦麤跼嫌囚宇

宙渴憶捲江湖風柳留蟬蛻霜松映鶴孤養和懲
往失見几名養和事天隨子詩扶老念時須杯杓歸神誓垣牆
任佛踰回蹊且垂翅望或在桑榆

綦威卿毅挽辭

東海于門舊桐鄉邑墓遷

綦東海人威卿之祖待制公知忻州因家焉

芝蘭宜有種珠玉自成淵慈母依隣切名郎獲譽
先豪華非日損信厚出天然詣理言猶訥持心靜
益專笑談千里到咳唾百金捐論齒推予長垂髻
得子賢通家仍孔李知己與王田刻責誰斯切推

扶最所偏孤癯平日託昆季再生緣摧割詩寧寫
精微夢或傳都將百年淚一慟夜臺前

贈祖唐臣

詩道壞復壞知言能幾人陵夷隨世變巧僞失天
眞鬼蜮姦無盡優伶伎畢陳謗傷應皆裂淫褻亦
肌淪珉玉何曾辨風花祇自新憐君用幽意老矣
欲誰親

老樹

老樹高畱葉寒藤細作花沙平時泊鴈野迥已攢

鴉旅食秋看盡行吟日又斜
干戈正飄忽不用苦思家

陽翟道中

長路伶俜裏羈懷蒼莽中
千山分晚照萬籟入秋風
頻見參旗縮虛傳朔幕空
故園歸未得細問北來鴻

月觀追和鄧州相公席上韻

月觀知名舊池亭發興偏
露涼驚夜鶴風細咽秋蟬
綠泛兵厨酒紅依幕府蓮
無緣逐清景空羨飲

中仙

太室同希顏賦

壯矣崧維岳盤盤上窈冥中天瞻巨鎮元氣有遺
形雨入秦川黑雲開楚岫青鰲掀一柱在萬古壓
坤靈

送登封張令西上

罷縣人稱屈悠悠復此行渭城秋鴈到秦嶺暮雲
平道路衣從典風塵劍已鳴山西多俠客莫說是
書生

方城道中懷山中幽居

技拙違時用年饑與食謀江山貧士歎日月賈胡
畱楚客頻招隱文園故倦游衡門有幽事還我北
窗秋

孟州夾灘飲承之御史家

同欽叔作

黃酒禁愁得芳梅發興饒紛紜聊且置醜磊故須
澆雞黍成前約干戈有此宵平生楊大理惜不預

佳招

雲卿赴召五日矣

送曹吉甫兼及通甫

意氣羨君豪，憐君屈騎曹。安能事筆硯，且復混弓刀。
風雪貂裘暗，關山馬骨高。南飛見鴻鴈，應爲惜哀勞。

勝槩

三鄉作

勝槩煙塵外，新詩杖屨間。偶隨流水去，澹與暮雲還。
吾道三臧口，時情一解顏。從今便高臥，已負半生閒。

少室南原

地僻人煙斷，山深鳥語譁。清溪鳴石齒，暖日長藤

芽綠映高低樹紅迷遠近花林間見雞犬直擬是
仙家

寄贈龐漢茂弘

之子貧居久詩文日有功夫心唯我見高誼許誰
同萬里虎食肉一鳴雞長雄皇天老眼在且莫怨
丘中

洛陽古城曦陽門早出

乘月出曦陽黎明轉北岡荒村自雞犬長路足豺
狼天地憐飄泊風霜憶閉藏微吟許行役淒斷不

成章

聞希顏得英府記室

近得髯參信知從
兔苑游文星映朱
邸勝槩減黃樓進
退存中道功名接
上流徒懷貢公喜
塵土隔瀛洲

落魄

落魄宜多病艱危
更百憂雨聲孤館
夜草色故園秋行
役魚鱗尾歸期烏
白頭中州遂南北
殘息付悠悠

得姪搏信二首

今日鄜州姪知從虎穴還百年陰德在幾日鬢毛
斑隔闕家仍遠羈棲食更艱誰憐西北夢依舊遶
秦關

號驛傳家信坤牛玩吉占團圓知有望悲喜亦相
兼過眼書重展伸眉酒屢添關河動高興百遶望
清蟾

阿千始生

四十舉兒子提孩聊自誇夢驚松出笋兆應竹生

花田不求千畝書先備五車野夫詩有學他日看
傳家

長壽新居三首

同仲
經賦

地古村墟迴川迴縣郭斜蒲池餘老節菊水引新
芽卜築欣成趣歸耕覺有涯迎門顧兒女今日是
山家

隱去初心在親朋復此偕荒田歸別業高樹表新
齋泉石深三逕風塵限兩崖青山坐終日無物寄
幽懷

昔有姜夫子來家寂寞濱墓田耕已熟碑石字猶
新詩酒娛中歲山林有外臣三生可信否吾亦寄
前身宣和中姜夢得處士常隱于此墓碣在焉夢得曾上書仁宗既老以詩酒自娛碣文說地名白鹿原長壽村也

少林雨中

西堂三日雨氣節變蕭森偃臥復欹臥長吟時短
吟鐘魚四山靜松竹一燈深重羨禪棲客都無塵
慮侵

十二月六日二首

俚鬼跳梁久羣雄結構牢天機不可料世網若爲
逃白骨丁男盡黃金甲第高閭門隔九虎休續楚
臣騷

海內兵猶滿天涯歲又新龍移失魚鼈日食鬪麒
麟草棘荒山雪煙花故國春聊城今夜月愁絕未
歸人

得一飛姪安信

音問他鄉隔存亡此日知夢中憂凍餒意外脫艱
危避地何嗟及還家敢恨遲衰年吾事了似有鹿